



Birêz Hesên Şereffî:

**“Şehîdkirina Dr. Qasimlo bo Kurdan
birîneke kûr û bi jan bû, lê ne xelk
û ne jî PDKÎ, bi vê birînê neketin
qedeman”.**

Dom R: 1'ê ya paşkoyê

Bideştveanîna mafên netewî yê gelê kurd
di çarçoveya Îraneke demokratîk û federal de

AGIRÎ

Birêz Mihemed Nezîf Qadirî: “Dr.
Qasimlo ji bo pêkanîna eni-
yeke demokratîk ji hemû hêzên
demokratîk û neteweyî hewil
dida”.

R: 3'ê ya paşkoyê

Duheftînameyek Siyasî-Gîştî Ye, PDK Îranê diweşîne www.kurdistanmedia.com/kurdî www.agirimedia.org Hejmar (234) 23-07-2014 Buha (150) Tûmen

Xebat bo rizgariya neteweya Kurd roj bi roj geştir dibe



**25'emîn salvegera şehîdkirina
Dr. Qasimlo û hevalên wî, di
bargêha Deftera Siyasî ya PDKÎ
de bilind hate nîrxandin**

Roja 13'ê Tîrmeha 2014'an, bi
beşdariya Mistefa Hicrî sekreterê
giştî yê Partiya Demokrat a Kurd-
istana Îranê, endamên rêberiya
PDKÎ, dem û dezgehên hikûmetî
yên bajarê Koyê, nûnerên partî û

aliyên siyasî, kesayetiyên siyasî û
pêşmerge û kadr û malbat û endam
û alîgirên PDKÎ, rêûresma 25'emîn
salvegera şehîdkirina Dr. Qasimlo
sekreterê berê yê PDKÎ û hevalên
wî, di bargêha Deftera Siyasî de bi
rêve çû.

Di vê rêûresmê de, piştî xwendî-
na sirûda neteweyî ya “Ey Reqîb”,
birêz Mistefa Hicrî sekreterê giştî

yê PDKÎ, axavtinek derheq karesa-
ta 22'ê Pûşperê (13'ê Tîrmehê) de
kir.

Piştî jî çend sirûdên şoreşgerî û
helbest di pêwendî di gel vê karesa-
tê de hatin pêşkêşkirin. Herwisa
peyamên YekîtiyaXwendekaran,
Ciwanan, û jinan jî hatin xwendin,
qala navê wan partî û aliyên siyasî
hate kirin ku peyam bo rêûresmê

şandin.

Deqa axavtinên birêz Mistefa Hi-
cîrî, û axavtinên birêz Hesên Şereffî
cîhîrê sekreterê giştî yê PDKÎ, li
rêûresma 22'ê Pûşperê di Hewlêrê
de, û axavtinên birêz Mihemedn-
zîf adirî, endamê Deftera Siyasî ya
PDKÎ, di rêûresma 22'ê Pûşperê li
Silêmaniyê, di vê hejmarê de hatiye
danîn.

Sergotar

Gel û rêbaza Dr.
Qasimlo

Şehab Xalidî

Hekî rejîma dîktator û dijî gelî ya Îranê, bi rêberiya Xomênî, bizanîba ku gelê Kurd heya çî qasekê bi rih, û can û mal, ji rêberên xwe, û ji nirxên xwe yên neteweyî xwedî derdikevin, rege di cihê terorê, rîyeke din hîlbijartiba.

Piştî derbazbûna 25 salan bi ser şehîdkirina Dr. Qasimlo re, niha jî û her sal zêdetir ew tê nasîn, zêdetir gelê Kurd lê xwedî derdikeve, û zêdetir hemû aliyên jiyana wî ji dîtingehên curbicir ve tê şirovekirin, lewra mirov ne tenê nikare bête ku ew di nav me de nine, belkû roj bi roj û meh bi meh û sal û bi sal, ew zêdetir tê nav jiyana me ya siyasî û civakî de. Rejîma Îranê bi vî terorê nekarî hizir û bîr û rêbaza Dr. Qasimlo bîkujê, jiber ku rêbaza wî hindî ku tê, geştir û ronahîtir dibe.

Sedem ev e ku rêbaza wî, û bîr û hizra wî, hemû di xizmeta neteweya wî de bûn. Lewra xortên neteweya Qasimlo îro rojê, di navxwe ya welat de, li jêr vî diktatoriya zal bi ser Kurdistan û Îranê de, singê xwe dikin mertal bo gulleyan, û bi bêtirs, bi her awayî ku ji destê wan tê, rêberê giranqedrê xwe bi bîr tînin.

Lewra rejîm li hemberî vî emegdariya xortên Qasimlo de, êdî ketiye qedeman, ne bi girtin û îşkence, û ne jî bi kuştinê, nikare Qasimlo di hizra xortên rêbaza Qasimlo de bişo.

Bê guman gelê Kurd ku di riya azadiyê de, xortên mîna Dr. Qasimlo ji dest dane, bi tu awayî amade nabin ku dest ji xebat û tekoşîna xwe hilgirin, û wê amade bin bo azadiyê her nirxekê bidin, lewra riya Qasimlo tu car vala û bê rêvîng namîne, heya roja ku Kurd digihîje azadiyê.

Daxûyaniya Deftera Siyasî ya PDKÎ bi boneya birêveçûna heftemîn pilînoma Komîteya Nawendî



Bo agehdariyê em radigehînin ku 7'emîn pilînoma Komîteya Nawendî ya PDKÎ, hîlbijartiya kongireya 15, demjimêr 9:30 deqeyên roja Şemiyê, 28.04.1393'an (19.07.2014) bi beşdariya endamên eslî û endamên cihgirê Komîteya Nawendî pêk hat, û piştî sê rojan karê berdewam, piştî nîvro ya roja Duşem 30'ê Pûşperê dawî bi karên xwe anî.

Heftemîn pilînoma Komîteya Nawendî bi ragirtina deqeyekê bêdengî bona rêzgirtina ji riha pak ya şehîdan det pê kir. Piştî pesendkirina vî destûra kar ya ku pêştir endamên rêberatiya PDKÎ jê hatibûn agehdarkirin, sekreterê giştî yê PDKÎ, Mistefa Hicrî, tevî bixêrhatinkirina beşdarên lêkdaneweyêke siyasî ku zêdetir guhertinên di navbera dupilînômên şeş û heft ê Komîteya Nawendî de, bi xwe ve girtibû, pêşkêşî beşdarên pilînômê kir.

Di lêkdaneweya sekreterê giştî yê PDKÎ de, û di pêwendiya di gel Îranê de, qala du hikûmetan di Îranê de hate kirin ku yek ji wan weke dewleta fermî lê bê deshilat. Ya din deshilateke ne fermî, lê biryarder û xwedî deshilateke bê sînore, ku ew jî weliyê Feqîh e, û li serveyî vî deshilatê ye, û dezgeha dadweriyê,

û Spaha Pasdaran û Îtîlaat li jêr fermana wê de ne.

Dewleta fermî û serkomar xwe bawerî bi guhertinên demokratîk nine, û heke bixwazin ku ji bo bîr û raya giştî axavtinekê bikin, yan jî pêngaveke biçûk ji bo cîbicîkirina beşeke kêma ya sozên hîlbijartinê, yan daxwaziya xelkê hilgirin, li gel dijkiriyara deshilata ne fermî berbirû dibin, weke vî ku li van dawiyane, û di pêwendî di gel wergirtina hejmarek ji mamostayan û xwendekarên derkirîyên zankoyan, di serdema Ehmedîniyad de hate dîtin, ku çawa dijkiriyar li hember de hate nîşandan, û Xamineyî bixwe di gotarekê de, hebûna girûpên siyasî di nava zanîngehan de, weke jehreke kujer nav bir, û ji mamostayên zanîngehan daxwaz kir ku bi tundî pêşiya wan karan bigrin.

Ew pirs her bi vî yekê dawî pê nehat, belkû dijkiriyara nûnerên pawanxwaz ên meclisê û çend kesên naskirî yên rejîmê jî li pey xwe hebû.

Lêkdaneweyê qala vî yekê kiribû ku heke Ehmedîniyad carna li hemberî Xamineyî de disekinê, herçend ku di encamê de serî jêre ditewand, lê Rûhanî heya bi nermî jî rawestanekê li hember de, ji xwe nîşan

nade, lewra deshilata na fermî, bi-hêztir xwe derxistiye û astengek wisa li hemberî xwe de nabîne. Zêdetir ji vî jî, û ji dema ku Rûhanî hate ser kar, bînpêkirina mafê mirovan, û îdam û bêkarî û hejarî di zêdebûnê de ne.

Birêveçûna faza yekemîn ya armancdarkirina "yaraneyan", hêz û şiyana aborî ya malbatan %25 anî xwar, û %31 malbatan li jêr hêla hejariyê de ne, bi vî halî jî, û serbarê çaresernebûna kêşeya etomî di gel cîhana derve, destêwerdana di nav karûbarên welatên weke Îraq, Sûriye, Lubnan û ...hwd de, zêde bûye, û agirê şerê Şîe û Suniyan di herêmê de xweş dike.

Her di vî pêwendiyê de, qala rewşa opozisyona Îranê û neraziyên di navxwe ya rejîmê de hatibû kirin, û pêgeha her yek ji wan hatibû nirxandin.

Di pêwendî di gel rewşa Kurdistanê Îranê de, lêkdaneweyê ji bilî abiskirina ji zêdebûna rêjeya îdamê û zindanîkirin û xiraptirbûna rewşa derbazkirina xelkê, bas ji vî kiribû ku cudahiyeke wisa di navbera dewrana Ehmedîniyad û Rûhanî de xûya nake. Herwisa qala vî yekê kir ku di warê aborî û geşekirinê de, çar parêzgehên Kurdakincî li gorî parêzgehên din, di pileya herî nizim de ne, bi vî halî jî serbarê zextên rejîmê, hesta neteweyî û xebata mafxwaziya xelkê Kurdistanê her bilind û berdewam e.

Lêkdaneweyê alîkarî û hemfikirîya di navbera hêzên siyasî yên Kurdistanê Îranê di rewşa niha de, weke hewcehiyekê da zanîn, ku hewce ye şopandineke bi kiryar jêre bihê kirin.

Di lêkdaneweya sekreterê giştî yê PDKÎ de, qala Tirkiyê û Kurdistanê Bakûr hatibû kirin û rewta siyasî di vî welatî, û doza Kurd di vî para Kurdistanê de, û pêvajoya aştiyê di gel PKK destnîşan kiribû, û herwisa pêwendên siyên ên PDKÎ di gel hêzên siyasî ên wê beşa Kurdistanê de, bi erênî nirxandibû, û her di vî pêwendiyê de, siyaseta Tirkiyê li hemberî Kurdistanê Başûr, û aliyên siyasî, û aborî yên wan pêwendiyên, bo her du aliyên bi mifah dabû zanîn, û pêşbîniya vî kiribû

Dom R: 4

Daxûyaniya Polîtbîroya PDKÎ bi hinceta 25'emîn salvegera terorkirina Dr. Qasimlo



Kurdistanmedia: Deftera Siyasî a Partiya Demokrat a Kurdistana Îranê bi boneya 25'emîn salvegera şehîdbûna Dr. Eebdulrehman Qasimlo û hevalên wî daxûyanîyek rû li civatên xelkê Kurdistanê bilav kir.

Deqa Daxûyanîyê bi wî awayê ye:

Hemwelatîyên rêzdar!

22'ê Pûşpera evsal 25 sal bi ser terorkirina rêberê navdar ê Kurd û rûçikê demokratîk ê rastîn, û sekreterê berê yê PDKÎ re derbas dibe.

Dr. Qasimlo roja 22'ê Pûşpera sala 1368'an (13.07.1989) li bajarê Vîyen, paytextê Nemsayê, û di dema rûniştina di gel şandeya Komara Îslamî ya Îranê de, ku bi berçav bona baskirina ji çareserîya pîrsa Kurd li Îranê, çûbûne Vîyenê, ji aliyê wan dîplomat-terorîstan ve, di gel kak Ebdulla Qadîrîazer nûnerê PDKÎ li derveyî welat, û Dr. Fazîl Resûl kurdê başûr hate şehîdkirin.

Bi şehîdkirina Dr. Qasimlo demokrasîxwaan, demokrateke rastîn, û tekoşerekî pêdagîr yê rîya azadiyê ji dest dan, û azadîxwazên Îranê jî siyasêvan û kesayetiyeke jîr û zana ji wan hate standin, û neteweya Kurd ji hebûna rêberêkî hilkevî yê îroyî, û xwedî bîr û hizreke pêşkevînxwazane, û PDKÎ ji serkirdeyekeî şareza û rêberêkî bê mînak hatin bêparkirin, û bi vî rengî tevgera Kurd li Kurdistana Îranê, birîneke din hilgirt, û tevgera demokrasîxwaziyê di Îranê de, derbeke giran lê ket.

Dr. Qasimlo her bi vî bîr û bawer û hizr û tekoşîna ku hebû her di destpêka ji rê derxistina şoreşa

gelên Îranê ji aliyê axûndan ve, û avakirina Komara Îslamiya Îranê, bû armanca tîr û tîxa terorîzma vî rejîmê. Dr. Qasimlo û partiya wê, PDKÎ û xortên neteweya Kurd di vî referandoma ne demokratîk de beşdarî nekirin, ku rê ji bo hatina ser kar, ya Komara Îslamî xweş dikir, û Dr. Qasimlo xatircem bû ku bi hatina ser kar ya rejîmeke îdeolojîk ya paşvemaî tu yek ji armancên demokratîk ên neteweyên Îranê, ne tenê cîbicî nabin, belkû rîya hewildan bo cîbicîbûna wan diwartir dibe. Helwestek ku niha Kurd zêdetir şanaziyê pêve dîkin. Herwisa di gel vî ku Dr. Qasimlo bo nûneratiya Meclîsa Xîbrigan (Şarazayan) li parêzgeha Urmiyê hate hilbijartin, lê bi gefxwarina Xomêynî rîya beşdariya di vî meclîsê de jê hate standin, û her wê demê, êdî boçûna rêberên rejîma Îranê û bi taybetî şexsê Xomêynî li hemberî Dr. Qasimlo eşkere bû. Herwisa:

- Dr. Qasimlo pêdagîrane ji bo demokrasîyê tekoşîn dikir, tiştêk ku di gel felsefeya wilayeta feqîh yek nedigirt. Dr. Qasimlo bawerî bi wekhevî û mafê wekhev yê di navbera jin û mêran di nava civak û malbatê de hebû, ku bîr û hizreke weha di gel boçûna paşvemaî û dij bi mafên jin di Komara Îslamiya Îranê de netebahî hebû û heye.

- Dr. Qasimlo vejîner, û rêberê partiyeke pêşkevî û mafxwaz ê Kurd weke PDKÎ bû, ku li dijî kevneperestî û stemê xebat dikir, û di nav civaka Kud de, xwedî pêgeh û nîfûzeke taybetî bû, ku ev jî bo Komara Îslamiya Îranê, bi vî bîr û hizra teng û tarî ve, cihê qebûlkirinê nebû.

- Dr. Qasimlo alîgirekî pêdagîr yê mafê mirovan bû, û rêz ji mirov û mafên mirovan re didanî. Mirovek ku ji aliyê Komara Îslamiya Îranê ve ne nîrx heye, û ne maf, û ji bilî guh bi fermaniya wan, mafek din tune.

- Dr. Qasimlo siyasêvanekî xwedî exlaq û dîplomateke jîr bû, zîmanzanekî jêhatî û xebatkarekî bi bandor bû. Bawerî bi mafê neteweyên Îranê her weke neteweya Kurd hebû. Di pêvajoya xebatê de, ji emrazên kêrnehatî bo gihîştina bi armancên pîroz mifah wernedigirt, li dijî teror û pêkanîna tîrsê, û mirovrevandin û kiryarên bi vî

rengî bû. Hewla lihevnişîkkirina demokratîk dijberên Komara Îslamî dida. Ew taybetmendiyane hekî rastiya xemilîn û nasîna rûçikê rastîn ê Dr. Qasimlo bûn, lê wan taybetmenîdyan ji dîtingeha Komara Îslamî ve Dr. Qasimlo kiribûn astengeke hesinîn li ser rîya bidetsveanîna hemû armancûpîrogramên serberedayiyane û na demokratîk, û dijî mirovî ên vî rejîmê, lewra Dr. Qasimlo armanca tîxa terorîzma vî rejîmê bû. Herçend rejîmê hertim pîlan ji bo jinavbirina Dr. Qasimlo û partiya wî hebû, lê pîlanên rejîmê li dijî Dr. Qasimlo, li Kurdistanê, û di nava xelkê xwe û pêşmergeyan de tu carî serkevî nebû. Mixabin li derve û bi hêceta gotûbêjê li Nemsayê de, derfet jê standin û pîlana terorkirina navbirî cîbicî kirin.

Her demekê ku bas ji terorkirina Dr. Qasimlo tê kirin, helwestên ne hêja, û dûr ji pîrensîpên welateke demokratîk weke Nemsayê xwe nîşan dide, ku dewleta wê demê ya wî welatî, pêşîya karê dadgehê û dosiyeya vî terorê girt, û di pêxema berjewendiyên demkî, û madî û têdîtinên siyasî de, xwîna rêberê herî naskirî yê demokrat gorî kirin, eva jî di demekê de ye ku belgeyên terora li Vîyenê gellek rohnîr û eşkeretir ji wan belgeyan in ku dezgeha dadweriya Alman di terora Mîkonosê de, li ber dest hebûn.

Dr. Qasimlo yekemîn qurbanîyê terorîzma Komara Îslamiya Îranê û dawîya vî terorê nebû, jiber ku piştî hejmareke berçav ji kesayetiyan Îran û Kurd hatin terorkirin, lê em dikarin bêjin ku dewleta wê demê ya Nemsayê di domandina kiryarên terorîstî yê Komara Îslamiya Îranê de, bi awayekî nerasterast dest hebû. Jiber ku hekî dezgeha dadweriyê ya Nemsayê, ew serbixweyî û wêrekiya dezgeha dadweriya Almaniyayê hebûya, renga em bînerê wan teroran nebûnaya, ku piştî terorkirina Dr. Qasimlo hatin encamdan, ku yek ji wan Dr. Sadiq Şerefkendî bû.

Di 25'emîn salvegera terorkirina Dr. Qasimlo de pîrsyar ev e ku gelo Komara Îslamiya Îranê, bi terorkirina Dr. Qasimlo û Dr. Şerefkendî û tekoşerên din ên PDKÎ, şîya bigihîje armancên sereke ên xwe, wate nehêlana tevgera xebata Kurd di Kurdistana Îranê, di pêx-

ema cihgirbûna demokrasî û mafê neteweyî, û şuştina bîr û hizra pêşkevînxwazane, ya Dr. Qasimlo de? Bêguman bersiv "ne" ye. Jiber ku Dr. Qasimlo bi ezmûn û ceribandînen xwe, û cerbekirina tevgerên din, rêberîya takekesî di partiya xwe de ret, û rêberîya bi kom cihgir kir. Wî birêvebirîyeke serdemiyane bo birêvebirina partiya xwe, û serxwebûna siyasî di partiya xwe de cihgir kir, ku bi jîdestdana rêberêkî herçend bi bandor, bikare xwedîyê rêberîya xwe be, û bîr û baweriyên Dr. Qasimloyê nemir zêdetir ji her demeke din, rastî û rewayîya xwe selimandine, û roj bi roj zêdetir geş dibin, û partiya Dr. Qasimlo, di parastina vî rê û şopê de, pêdagîr, û her li ser vî rîyê dimeşe, û nîşan daye ku birîna jîdestdana rêberên xwe hildigire, lê nakeve ser çokan.

Civatên xelkê Kurdistanê serbarê zext û serkut û girtin û heya îdama azadîxwazên Kurd, niha jî hilgîrê bîr û hizra Dr. Qasimlo ne, û hezîkirina Dr. Qasimlo zêdetir, û pêgeha partiya wî, di cihê xwe de ye, û di rastî de Dr. Qasimlo di bîr û bawerê de zindî ye. Lê Komara Îslamiya Îranê, di heyama van 25 salan de, zêdetir naweroka kevneperestane û bîr û hizra paşvemaîyane ya wê bo bîr û raya giştî û xelkê Îranê hatiye selimandin. Her demekê û di her cihêkî de, bas ji tevdanîkarî, destêwerdana di nava karûbarê welatan bi taybetî di herêmê de, teror û piştgiriya ji terorîzmê, binpêkirina maf û jêhelçûna rêjeya îdaman tê kirin, qala vî rejîmê tê kirin.

Herwis ew yek jî eşkere bûye ku guhertina di mohreyên rejîmê de nekariye û nikare tu guhertinekê bi qazancê xelkê Îranê û mafên wan pêk bîne, jiber ku ya ku di siyasê û kiryarên vî rejîmê de tê xûyakin kirin çavkanî ji bîr û baweriyên paşvemaî yê vî rejîmê ve werdigrin, û hilgîrê guhertinan nînin. Lewra yê ku her carê û bi hêcetêkê hez kirine ku rûçikek reformhilgir bidin vî rejîmê, û bidin mohreyên wê, niha pîraniya wan hatine ser vî baweriyê ku ew rejîma reformhilgîr nine. Gelo Hesên Rûhanî deriyek ji bo xelkê û mafên wan, bi kilîda xwe ya piropagendeyan vekir, yan jî berevajî kilîda nermî ji xwe nîşandan, û xwe şikandin li hemberî derve

de, ew jî li jêr zexta dorpêçên aborî de, vekir, û hevdem rêjeya girtin, îdam û zexta bo ser xelkê di navxwe de jêhel bir. Dîtingeha derve li ser rejîma Îranê her çi be, çavkanî ji berjewendiyên wan ve werdigre, û berdewamiya li ser xebta li dijî vê rejîmê jî di navxwe de, di berjewendiya netweyên Îranê û demokrasîxwazên Îranê de ye.

Di rewşa niha de, ya ku pêwendiya wê bi neteweya Kurd ve heye, bi xweşî ve berevajiyê hezkirina Komara Îslamîya Îranê, xebat gelê Kurd ber bi pêş ve diçe, û di beşek ji perçeyên Kurdistanê de, ji haşakirina ji hebûna neteweya Kurd û mafên wê ve, ber bi baskirina ji şeweya bidestveanîna mafên wê li her perçeyê Kurdistanê pêngav hilgirtiye, û pirsê Kurd di

asta cîhanî de, zeqîr û micidtir hatiye pêş. Di rewşê bi vî rengî de, hewce ye ku palpiştîkirin û yekgirtin û yekrêziya Kurd, bileziyeke zêde bide vê pêvajoyê.

Hewce ye ku Kurd di Kurdistanê de jî, ber bi yekgirtina hewce bo xebata li dijî rejîma Komara Îslamîya Îranê ve pêngavan hilgirin, û xwe amade bikin da ku bi kiryar vê yekê bi dest bixin ku Dr. Qasimlo hem derheq her çar perçeyên Kurdistanê, û hem jî derheq Kurd di Kurdistanê Rojhelat, û azadiya Îranê hêvî û xweziya wî bû, û hewil jêre dida. Ew erka hekî hemû demokê hewce bû, di rewşa niha de, ku herêma Rojhelata Navîn aloz û pirr kêşe ye, û bûye qada rikeberiyên siyasî, aborî, û Komara Îslamî jî bi awayekî mi-

cid bi piştevanîkirina ji deshilatên ne demokratîk, û destêwerdana di Îraqê de, û geşkirina agirê şerê mesebî di herêmê û bi taybetî di Îraq, Lubnan, Sûriye û...hwd de, hewla aloztirkirin û ne ewlekirina zêdetir dide, gellek hewce ye. PDKÎ partiya Qazî, Dr. Qasimlo, û Dr. Şerefkendî, di 25'emîn salvegera terorkirina Dr. Qasimloyê nemir de, li ser domandina rê û şopa vî rêberê mezin pêdagiriyê dike, û heya bidestxistina hêvî û bîr û boçûnên wî, pêdagirane li ser xebat û tekoşînê berdewam dibe, bi taybetî ku niha di asta navneteweyî de hatiye naskirin û di her rewşê de, xelkê Îranê û xortên neteweya Kurd û heya cîhana derve jî hisabeke taybetî bo Kurdan dikan, û PDKÎ jî bi van taybetmendiyên ku hene, dikare çavniherê piştevaniya

siyasî, û me'newî ya hemû azadîxwaz û demokrat û alîgirên mafên mirovan be.

-Di 25'emîn salvegera terorkirina Dr. Qasimloyê rêber de, em yad û bîra vî rêberê nemir bilind radigrin, û rê û şopa wî, dê berdewam çiraya riya xebata me be

-Zindî û geşayî bo baweriyên pêşkevînxwazane yên Dr. Qasimlo

-Serkevtin bo PDKÎ, partiya Qazî, Qasimlo û Şerefkendî

Partiya Demokrat a Kurdistanê Îranê

Deftera Siyasî
20.04.1393
11.07.2014

Doma R: 2

ku hilbijartinên pêşiya me ya serkomariyê di Tirkîyê de, dikare bandoreke taybet li ser rewşa wî welatî û pêvajoya aştiyê hebe. Lêkdaneweyê awriyek li rewşa Îraqê û van kêşeyan dabû ku di çend mehên borî de, berbirûyê wî welatî bibû, û rewş ji bo destêweredana welatên din û cîranên wê, di vî welatî de pêk aniye.

Lêkdaneweyê hokarên giring ên vê rewşê, weke encama siyaseta ne durust û hejmûnîxwaziya serokwezîranê Îraqê bas kiribû, ku bi kiryar Suniyên Îraqê avêtibû aliyekî, û li hemberî Herêma Kurdistanê, bi dîr ji yasayên Îraqê, refartên dijberane girtibû pêşiya xwe, û bi cîbicînekirina madeyên yasayê, û birîna budceya Kurdistanê, û mûçeya karsazan, û çaresernekirina kêşeyên helawîstîmayî, rewş ji bo geşkirina nakokîyan di navbera Hewlêr û Bexdayê de pêk aniye.

Lêkdaneweyê ew eger destnîşan kiribû ku bi man yan nemana Malîkî di posta serokwezîrên Îraqê de, ber bi rûyê Îraqê dibin, û bi berçavgirtina tewahiya nakokîyan û şer û aloziyan di vî welatî de, û bi taybetî nifûza zaf ya Komara Îslamî, seqamgîriyeke bi lez û berdewam zehmet e.

Lêkdaneweyê baleke taybetî dabû Herêma Kurdistanê û wê rewşa ku jêre pêk hatiye, û ew metirsî destnîşan kiribûn ku renge rû bidin.

Erka Herêma Kurdistanê di warê parastina deskevîtan, û pêregihîştina bi jîyan û derbazkirina bi milyonan awareyên Sûrî

û Mûsilî, û herêmên din, ew jî di vê rewşa aboriya ku heye, gellek giran e, lê ya ku dikare Kurdan bi ser astengiyan de zal bike, û deskevîtan wê parastî bin, û bernameya rapirsîya giştî û diyarîkirina mafê çarenûsê û cîbicîkirina her biryarekê ye ku bixwe di berjewendiyê xwe de bide, û bike rastiyeke, ew hemû girêdayî yekgirtina hêzên siyasî û lihevkerina komên xelkê di gel vê rewşa nû, û dûrbûn ji nako-kiyan e.

Siyaset û helwesta PDKÎ, li hemberî rewşa Herêma Kurdistanê, piştevanîkirina ji îradeya xelkê bo biryardana li ser çarenûsa xwe ye. Lêkdaneweya sekreterê giştî yê PDKÎ di pêwendî li gel Sûriyê, û Kurd di vî welatî de, ku herçend alîkariyên malî û leşkerî û keresteyên leşkerî ên hevalên Beşar Esed heya niha ew rejîma ragirtiye, û ji herifînê rizgar kiriye, û serbarê vê bi nav hilbijartina ku Beşar Esed bo mana xwe bi rêve bir, şer û pevçûn bi van zûkatiya bi dawî nahê, û Kurd jî di vî welatî de, ku ne rejîma Beşar Esed mafê wan qebûl dike, û ne jî opozisyon, hewce ye ku bi hev girtina wan bixwe, û bi dîr ji hejmûnîxwazî û berjewendiyê teng ya rêkixraweyî bibin xwedî nasname, û bi bandor bin.

Di pêxema berjewendiya Kurd di Sûriyê de PDKÎ her weke derbazbûyî piştevaniya deshîlata Kurd bi beşdariya hemû aliyan di vê parçeyê ji Kurdistanê de dike, û yekdengî û hevhelwestiya wan weke zaminê parastina her deskevîtekê dizane.

Sekreterê giştî yê PDKÎ piştî vê

lêkdaneweyê raporek di pêwendî li gel sefera xwe bo welatên Ewropayî, hevdîtin, semînar û kom û civînan, û rewşa komîteyên PDKÎ, di van welatan de pêşkêşî beşdarên pilînomê kir.

Di beşek din ya karê pilînoma heftemîn de, piştî lêkdaneweyê rapora sekreterê giştî yê PDKÎ, çend rapor û zaniyariyên hûrtir li ser rewşa Îraqê û Herêma Kurdistanê, û rewşa navxwe ya Kurdistanê Îranê, û rewşa Tirkîyê û Kurdistanê Bakûr ji aliyê çend hevalên Deftera Siyasî ve bi agehdariya beşdarên pilînomê gihîşt.

Beşdarên pilînomê paş pêşkêşkirina van lêkdaneweyên rapor, çalakane ra û boçûna xwe di pêwendî li gel hemû van mijaran eşkere kirin û bi hûrî bas li ser kirin, û di encamê de ew lêkdaneweyê pejirandin.

Beşek din ji karê pilînomê pêk hatibû ji raporekê li ser çawaniya karûbarên amlî ên PDKÎ, ji aliyê berpirsê vê beşê ve, ku piştî pirsîyar û bersiv û rohnûna bernameya karê malî, ji aliyê hevalan ve, ew çalakî hate pejirandin û hevalê berpirs hate erdarkirin bona dirêjîdan û ber bi pêşvebirina bernameya karê xwe.

Di beşek din ya karê pilînomê de, biryar bo pêkanîna semînarekê hate dan, bi armanca nirxandina kar û çalakîyên PDKÎ di heyama du salên paş kongireya 15'ê a hizbê, û şeweya birêveçûna wê hate diyarîkirin, pilînomê bo vê armancê heyeteke amadekariyê diyarî kir ku rewşê bo pêkanîna semînarê

pêk bîne û amadekariyên hewce jêre bike.

Beşek din ya karê pilînomê komek pirsên navxweyî, bo çalakîrkirina PDKÎ, di warên cur bi cur ên tekoşînê, û bi taybetî di rewşa niha de, û bi berçavgirtina hemû egeran hatin baskirin, û komeke biryar bo wan hatin dan.

Cuda ji wan pilînomê çend rasparde ji bo organên hizbê dan, bona vê ku di pêvajoya kar û tekoşîna xwe de wan berçav bigrin.

Pilînoma heftemîn ya Komîteya Nawendî, bi berçavgirtina wan kar û çalakîyên berfireh û berçav, ku bi boneya 25'emîn salvegera şehîdkirina Dr. Qasimlo li derveyî welat, li Herêma Kurdistanê û li navxwe ya welat de, bi hewl û tekoşîna endam û alîgir û hevalên PDKÎ bi rêve çû, bi hewce zanî ku spas û pêzanîna xwe pêşkêşî hemû têkoşerên hizbê di navxwe ya Kurdistanê, li Herêma Kurdistanê û li welatên Ewropayî û herwisa ji dost û ji kesayetiyên Kurd ên Îranî û Ewropayî, û wan dezgehên ragehandinê bike ku di rûmalkirina van çalakîyan de zehmeteke zaf dîtin.

Heftemîn pilînoma Komîteya Nawendî ya PDKÎ, piştî encamdana erkên xwe di pêwendî li gel destûra karê pilînomê de, paşnîvroja roja Dûşemî, 30'ê Pûşperê dawî bi karên xwe anî

PDKÎ
Deftera Siyasî
31.04.1393
22.07.2014

Nerîna Lîderan



Barzanî:

“Kurd wê deng bi serxwebûna Herêma Kurdistanê bide”.



Salih Muslim:

“Tirkiyê destpêkê de piştvanîya DAÎŞ’ê kir, lê niha dizanin ku ew şaş bûne”.



Nowam Çamiskî:

“Bila kurd derfeta dewletbûnê ji dest nedin”.



Cewad Larîcanî:

“Ehmed Şehîd 3 hezar tomet li Îraê kirine”.

Deqa axavtinên birêz Mistefa Hicrî sekreterê giştî yê PDKÎ, di rêûresma 22’ê Pûşperê 25’emîn salvegera şehîdkirina Dr. Qasimlo û hevalên wî

Hemwelatîyên rêzdar!
Xelkê tekoşer ê Kurdistanê!
Amadebûyîyên hêja!

Her wek ku hemû aliyek agehdar in, 25 salan berî niha di rojê weke îro de, di 22’ê Pûşpera sala 1368’an de, (13.07.1989), hevalê tekoşer û bîrmendê mezin ê Kurd Dr. Qasimlo, heval kak Ebdulla Qadirîazer û Dr. Fazul Resûl li Viyenê li ser maseya gotûbêjan ji aliyê terorîstên Komara Îslamiya Îranê ve hatin şehîdkirin.

Em weke evîndarên din ên rê û şopa Dr. Qasimlo, li vir û wir, û di navxwe û derveyî welat, hest û soz û emegdariya xwe bi vê rêbazê û bi xwîna pak ya şehîdan nîşan didin, û di vê civînê de em amade bûne, da ku ji aliyekî ve emegdariya xwe bi rêbaza şehîdan û li serveyî hemiya Pêşewa Qazî Mihemed û Dr. Qasimlo û bi hezaran şehîdên riya rizgariya neteweya xwe pêşkêş bikin, ji aliyekî din ve bi Komara Îslamiya Îranê dijminê azadiya neteweyan, û bi hemû neyarên gelê Kurd bêjin ku 25 salan piştî şehîdkirina Dr. Qasimlo berevajiyê xwestek û daxwazî û xewn û hêviyên wan, xebat û tekoşîn ji bo rizgariya neteweya Kurd di hemû parên Kurdistanê de, ne tenê her bi dawî nehatiye, belkû roj bi roj bihêztir dib.

Herwisa em dixwazin ku di vê derfetê de careke din, kiryara wê demê ya dewleta Nemsayê, ku ew karesat di wî welatî de rû da, û di cihê wê ku terorîst radestî dadgehê bûne kirin, û cezaya yasayî ya xwe wergirin, bi îskort ve ber bi Tehranê bi rê kirin, bona vê ku xelata cîniyetên xwe wergirin, şermazar bikin, û bêjne wan ku pîlangeriya li dijî serkirdeyên gelê Kurd di her beşekê de, û di her qonax û serdemekê de, ji dîtingeha neteweya Kurd ve, cihê şermzariyê ye, û ji bîra me naçe, û piştî şerê Îran û Îraqê, Komara Îslamiya Îranê, bi çok de hat, û biryarnamaya 598 ya konseya ewlekariyê ya NY pesend û wajo kir, û her wek bixwe gotin, Xomênî cama jehrê ya têkşikane firr kir, û bi milyonan kuştî û birîndar welateke wêran, erteşeke têkşikayî, û serşor, deskevtên hikûmeta Îslamiya Îranê, bo xelkê welat bûn. Ji wê demê şûnde ku ew hemû zirar û xesara malî û canî li



xelkê Îranê ket, bi hêceta vê ku dixwazin ji riya Kerbelayê ve Qudsê rizgar bikin, lê li hemberî dijminê xwe de kete qedema, û zelîlane ew biryarnamê wajo kir.

Di rewşeke siyasî ya wisa ya herêm û Îranê de, Dr. Qasimloyê bîrmend ku hertim bîr ji çareserîya pîrsa Kurd ji riya aştxwazane ve dikir, wisa bîr kir ku dewletek ku di gel dijminê xwe, bi vê hemî dijminayetî û xisara ku lê ketiye amade bûye ku biryarnamê qebûl bike, tu sedemek tune ku daxwaziya gelê xwe, wate azayê, di çarçoveya Îranê de qebûl neke. Lewra Dr. Qasimlo bi niyeteke pak û bi hêviya çareserkirina mesela Kurd pêşniyara Komara Îslamiya Îranê bo gotûbêjê qebûl kir, û çû Viyenê, lê mixabin derket ku Komara Îslamiya Îranê ne tenê her di hizra çareserîya kêşeya Kurd ji riya aştxwazane ve nine, belkû pîlanek darêtiye ji bo şehîdkirina Dr. Qasimlo ku mixabin ew pîlana wan serket.

Dr. Qasimlo xizmeteke mezin bi tevgera gelê Kurd kir, rast e ku ew sekreterê giştî yê PDKÎ bû, lê bîra tîj û hizra bilind ya Dr. Qasimlo di warê siyasî, di warê têgihîştin ji rewşa wê demê ya herêm û cîhanê,

bandor li ser rêxirawên Kurdî hemû beşan de danîbû.

Dr. Qasimlo siyasiyeke rastbîn bû, wî bîr ji pêşerojê dikir û bi hûrî her pîrsek şîrove dikir. Dr. Qasimlo di serdema nêzîkbûna hîloşîna rejîma paşayetiye, û hatine ser kar a rejîma Komara Îslamiya Îranê de, ku tîkel bû di gel hinek hest û tundûtîjî û dîtina rojê, di helwestên xwe de siberoj didît, lewra helwestên PDKÎ, di wê demê de bi rêberatiya Dr. Qasimlo helwestên wisa bûn ku niha jî piştî derbazbûna 25 salan ji şehîdkirina wî, hêla jî nû û bi roj in.

Wê demê gellek kes û alî hebûn ku ji wan helwestan halî nedibûn, wê demê PDKÎ referandoma diyarîkirina sistema Komara Îslamiya Îranê baykot kir, û di referandomê de beşdarî nekir. Dr. Qasimlo ragehand ku ew hikûmet nikare tu yek ji xwestek û daxwaziya xelk û gelên Îranê cîbicî bike.

Wê demê ku taqmekê bi navê xwendekarên Misilman dest bi ser balyozxaneya Amerîka di Tehranê de girtin, Dr. Qasimlo ew kiryara ne siyasî şermazar kir, û ragehand ku ew yek berevajiyê orf û yasayên navneteweyî ye.

Encama zirardar ya vê kiryarê, ve-digere ser xelkê Îranê. Wê demê gellek bûn ew aliyên ku PDKÎ li ser van helwestan bi sûçên curb-icur, şermezar dikirin, lê niha piştî derbazbûna 25 salan ji mergê Dr. Qasimlo û 36 salan bi ser hikûmeta Koamra Îslamiya Îranê de, eşkere dibe ku ew helwestane çende dûrbînane û jîrane bûn.

Dr. Qasimlo di zindîkirina PDKÎ de, piştî hiloşîna Komarê û şehîdbûna serkirdeyên Komarê û zindanîbûna têkoşerên PDKÎ, ku hêdî-hêdî PDKÎ ber bi lawaziyeke yekcar zaf ve çû, piştî salên 32'an a Rojî, hate qada xebata PDKÎ de, û bi kar û tekoşîn û hîzr û bîra xwe nefesek bi hêz da vê partiyê, û bi amadekirina bername û pirogram û peyrewewe pêşveitinxwazane û serdemiyane, û bi yekxistina refên PDKÎ, careke din PDKÎ bi hêzeke siyasî ya mezin ve anî qada xebatê. Di vê derheqê de PDKÎ qerdarê şehîd Dr. Qasimlo ye.

Lê Dr. Qasimlo ew kesayetiya nebû ku tenê di nava Kurd û PDKÎ û derdora xwe de naskirî be, Dr. Qasimlo kesayetiyeke bû ku di wê serdemê de, di nava kesayetiyên naskirî û navdar ên Ewropayê de, weke bîr-mendekî dihate nasîn.

Rade û asta bilind ya zanist û têgihîştin û rabin û rûniştina serdemiyane ya Dr. Qasimlo bi awayekî bû ku li gel her kesayetiyeke de rûniştiba, ew dixiste jêr bandora xwe de. Gellek in ew kesayetiyên li ser Dr. Qasimlo tişt nivîsandine û hemû yekdeng in li ser demokrat-bûn û azadîxwazbûna Dr. Qasimlo, li ser tekoşîna bê rawestiyên ji bo bidestxistina mafê neteweyî, ku mafeke rewşa û berheq yê hemû neteweyan di cîhanê de ye.

Dr. Koşnêr Wezîrê Pêşîn ê Karûbarê Feransayê ku li çarçoveya pizîşkên bê sînor de hatibû Kurdistanê, û di nava PDKÎ de xizmeta pêşmerge û birîndaran, û xelkê bê berevan û birîndar dikir, di simînarekê de ku li 21'ê Hezîranê, her bi boneya 25'emîn salvegera şehîdkirina Dr. Qasimlo li yek ji holên Parlemênta Feransayê de pêk hat, li ser Dr. Qasimlo dibêje: "Xebata PDKÎ li jêr rêberatiya Dr. Qasimlo de, dîtingeha me li ser xebata neteweya Kurd guherî, û rîyeke nû ji vê xebatê nîşanî me da".

Her di vê semînarê de pro. Hemîd-pûr Erselan, lêkoler û mamostayê zankoyên Parîsê, nîrxandineke



şiroveyî, li ser pirtûka "Kurdistan û Kurd" ya Dr. Qasimlo pêşkêş kir, û jêve bû ku di wê serdemê de, ku serdema carr ya çepê radîkal bû, boçûna siyasî ya Dr. Qasimlo ber bi çepeke demokrat ve diçû.

Herwisa navbirî got: "Di warê zanistî de, ew pirtûk yekemîn pirtûk e, ku bi nîşandana serjimêriyan û hejmaran, û belgeyên civaknasî, civaka Kurdistanê xistiye jêr lêkdanewe û şiroveya xwe, û bi awayekî ku heya niha jî, her lêkolerek ku bixwaze lêkolîneke micid li ser Kurd û Kurdistanê bike, neçar dibe ku ji vê pirtûkê mifahê bistîne". Evane wek mînakek biçûk ya nû ne, ku di bîr û boçûnên Ewropayîyan li ser Dr. Qasimlo hene.

Rêzdarno!

Yek ji qurbanîyên din ên vê karesatê ya Viyenê, şehîd kak Ebdullah Qadîrîazer e. Kak Ebdullah Qadîrî, bi sedema vê ku em pêkve xelkê bajarekî bûn, ez gellek baş wî nas dikim. Navbirî temenek wisa tunebû, sala 1331(1952), ji dayîk bibû, lê jiber ku di xizmeta Dr. Qasimlo de şanaziya şehîdbûnê pê hate birîn, min jêve ye ku ew cura ku hewce ye û hêjayî vî kesayetiyê ye, heqê wî pê nehatiye dan, lewra ez bi hewce dizanim ku gellek bi kurtî li ser vî tekoşerî çend axavtînan bikim, kak Ebdullah ku tevlî refên PDKÎ bû, mamostayek bû di bajarê xwe de. Reftara bi dilovanî, taba û taqeta zaf, xelkîbûn, û têgihîştîbûna wî bû sedema vê ku ew di nava hemû xelkê bajarê xwe de, û bi taybetî di nava ciwanan de, gellek hezkirî be, û ew taybetmendiyên bilind û amadebûna navbirî ji bo kar û fedakarî, û baweriya kûr ya navbirî, bi rizgariya neteweyî, bû sedema vê ku li refên PDKÎ de jî, gellek bi

lez ber bi pêş ve here, û berpirsatiyê wergire, û jêhatîbûna xwe di birêvebirina berpirsatiyên xwe de nîşan bide, dema ku di vê karesatê de şehîd bû, endamê Komîteya Nawendî bû, û nûnerê PDKÎ bû, di beşa Pêwendiyên Derve yên PDKÎ, li Ewropayê. Kak Ebdullah bi hinek sedeman hest bi vê kir ku ew gotûbêj ku Komara Îslamiya Îranê navê gotûbêjê li ser daniye, pîlanek bûye bona jinavbirina Dr. Qasimlo, lewra kak Ebdullah hez nedikir ku di vê civînê de beşdar be, Ebdullah Qadîrîazer serbarê heznekirina xwe, di gel Dr. Qasimlo ket û heya dawiyê jî, di gel wî de ma, û di rastî de ew cangoriyek e ku bîr û baweriya wî ya kûr bi nîştimana xwe, bi rêberê xwe, û bi rêbaza xwe dikare vê hemû hêz û moralê bide wî, ku amade be ber bi mirinê ve here.

Hevalên hêja!

Her weke me bas kir 25 sal bi ser şehîdketina van şehîdên me yên Viyenê re derbas dibin, di heyama wan 25 salan de guherînkariyên kûr di cîhanê de û bi taybetî di Rojhelata Navîn de derketine holê, û hejmarek zaf ji dîktatoran bi destê xelkê hejar û bîzarbûyî hatine herifandin, û piroseya demokrasî û pêşveçûnê bona avakirina hikûmetên gelî di herêmê de, her berdewam e.

Li Tirkiyê, ku di dema xwe de, navên Kurdî têde qedexa bûn, niha Kurd nûnerên xwe ên rastîn bi dilxwaza xwe dişînin parlemêntê, û deshîlata xwecihî dixê destê xwe de, û nûneratiya rastîn a xelkê xwe dikin, û piroseye aştiyê derketiye holê û em hêvîdar in ku piroseya han di demek nêzîk de bi qazanca gelê Kurd û hemû xelkê Tirkiyê tewaw be.

Di Sûriyê de, serbarê vê ku yekrêziya gelê Kurd di vê para Kurdistanê de heya niha jî nahê dîtin, lê tevî vê yekê em li ser vê baweriyê ne ku Kurdên Sûriyê çî bi mana Beşar Esed, û çî bi nemana wî, wê di rewşek siyasî ya gellek baş de bin, di pêşerojê de.

Em hêvîdar in ku xûşk û birayên me di vê para Kurdistanê de ku di bin zulm û stema hikûmeta Be's ya Sûriyê de bûne, bikarin bi yekrêziya xwe wan deskevtan pitir bikin. Di Kurdistanê Başûr de Kurd Xwediyê deshîlat û hikûmeta xwe ye û eva jî yek ji hêvî û daxwazên Dr. Qasimlo û tewahiya xebatkarên Kurd e ku di vê rêyê de canê xwe fîda kîrine, lê di Îrana bin deshîlata Komara Îslamî de, û di çarçoveya hizra paşvemayî û girêdayiya wê hikûmetê de, tu guherînkariyek nahê dîtin.

Hekî guherînkariyek jî hebe, ber bi paşve diçe, ber bi daxistîbûnek pitir, zulm û zordarî û dîktatoriyeke pitir ve diçe. Sîstima vê hikûmetê di hember bîhaniyan de, sistemeke zelûl û bêçare ye, lê di hember xelkê xwe de zordar û serkutker e. Binêrin, piştî bidawîhatina şerê di navbera Îran û Îraqê de, dema ku di hember Sedam Husên de, agirbes vajû kirin, û teslîm bûn di hember hikûmeta Be's de, lê dest avêtin kuştina girtiyên siyasî di girtîgehên Komara Îslamî ya Îranê de.

Hejmara wan girtiyên siyasî ku di wê demê de hatin bidarvekirin di navbera 3 heya 5 hezar kesan e, eva di demekê de bû ku xelkê Îranê li ser vê baweriyê bûn ku niha ku şerê Îran û Îraqê bi dawî hatiye, hikûmeta Komara Îslamî wê guh bide daxwaziyan xelkê xwe, û wê azadî, nan, hurmet û kesayetiya



xelkê bibin cihê rêz û hurmetê. Lê ne tenê, ew yek tu caran nehate cîbicîkirin, belkû zext û givaş û kuştara girtiyên siyasî beravajî tewahiya pîrensîp û yasayên mirovî û navneteweyî birêve çûn. Niha em piştî derbazbûna vê heyamê, piştî nêzîk bi 30 salan, vê sinaryoyê di Komara Îslamî de bi curek din dibînin.

Armanca min ev e ku ez nîşan bidim ku çawa guherînkari ber bi paşve heye. Her weke hûn haydar in, Komara Îslamî ya Îranê di heyama yek sala derbazbûyî de, bi nav hilbijartinek li dar xist, ku têde Hesên Rûhanî weke berbîjêrê serkomariyê gellek soz dane xelkê Îranê, û bi neteweyên Îranê, derheq serbestberdana girtiyên siyasî, derheq bi azadiya xelkê, azadiya rojnamevanan, azadiya xebata jinan, kedkar û tex û qatên din ên civakê, bitaybet neteweyên Îranê, û yek ji wan neteweya Kurd.

Lê digel vê ku di hember Rojava de teslîm bû, û bo derbazkirina welatê xwe ji hîloşînê, amade bû destan ji mehandina Oraniyûmê hilgire, li gorî wan şert û mercên ku girûpa 5+1 jêre diyarî kiribûn, lê niha em dibînin ku pêngav bi pêngav ber bi pêşve diçe, lê soz û qewlên Rûhanî û hikûmeta Komara Îslamî ya Îranê derheq xelkê Îranê bi tewahi beravajî derketin.

Her weke bo piştî şerê Îran û Îraqê min îşare pê kir, her di yek sala derbaz bûyî de, serbarê wan sozan ku Raûhanî dabûn xelkê, Îran derheq bidarvekirina girtiyên siyasî, di pileya yekemîn de ye, daxistina rojnameyan, bidarvekirin û destbiserkirina xebatkarên neteweyên Îranî, bitaybetî netewa Kurd û zext

û givaşên din ên civakî û aboriya ser xelkê rojbîroj zêdetir dibe.

Lê Komara Îslamî ya Îranê her bi vê yekê nesekiniye, hevalno! Komara Îslamî ya Îranê piştî vê yekê bûye maşîna terora bi kom a xelkê, ne tenê her di Îranê de, belkî di herêmê de jî, maşîna şer a Beşar Esed bi diraf û serbaz û çekên Komara Îslamî ya Îranê diherike.

Di vê şerî de heya niha pitir ji 160 hezar kes li gorî serhejmêriyên cihê baweriyê hatine kuştin, û bi sedan hezar kes birîndar ketine, û 5 milyon kes jî aware bûne û 5 milyon û nîv jî, malên wan hatine herifîn li jê bombebarana hêzên Beşar Esed de.

Ev serhejmêriya han, wate 5 milyon aware û 5 milyon û nîv xelkê bê mal, dibe %40 ji xelkê Sûriyê. Evana hemû bi siyaseta û çekên Komara Îslamî ya Îranê birêve diçin, eva di demekê de ye ku beşek zaf ji nifûsa Îranê di bin hêla hejariyê de dijîn, gellek nesaxiyên civakî serî hil didin û Komara Îslamî ya Îranê çareserîya tewahiya wan kêşe û astengiyên çî di navxwe, û çî jî di derve de, bi şer û kuştar û tundûtîjiyan dibîne, û bîr ji tu mijar û çareseriyên din nake.

Eva ku niha di Îraqê de em bi navê Daîş'ê dibînin, Beşek zaf jê vedgere bo ser siyaseta Komara Îslamî ya Îranê, ku mixabin aliyên Rojavayî ji vê mijarê bi kêmê haydar in. Komara Îslamî ya Îranê nêzîk bi 2 sal berî niha, bi alîkariya rejîma Beşar Esed û hikûmeta Malikî, bi sedan kes ji xelkê xwe şandin nava rêzên DAÎŞ'ê de, da ku bikare herikînen DAÎŞ'ê Kontrol bike û her di vê peywendiyê de serkevtinê bi dest

bîne.

Yekji wan serkevtinan eva bû ku him li Sûriyê û him li Îraqê, bi nîşandana cîneyetên DAÎŞ'ê û mezinkirina vê mijarê, welatên cîhanê li dijî DAÎŞ'ê bona rizgarkirina hikûmeta Beşar Esed lihev kirin, û di Îraqê de jî em şahidî vê basê ne ku di rastî de, bona serkuta Suniyan e di Îraqê de. Em hemû ji siyaseta DAÎŞ'ê û hemû aliyên Elqaîde haydar in ku dijî hemû mirovekê ne, lê di vir de, pîlana Komara Îslamî xwediyê bandorek zaf e.

Komara Îslamî ya Îranê dijî aramî û bi hev re jiyan û avedanî û pêşkevtinê ye, di tewahiya Rojhilata Navîn de. Komara Îslamî bi du meremên sereke jiyan xwe di nakokî û ajaweyan de dibîne. Ya yekemîn ev e ku bo Komara Îslamî ya Îranê, welatek seqamgîr û aram nahê qebûlkin. Komara Îslamî ya Îranê niha jî xewna saxbûna Sedam Husênê dibîne ku bibe rikeberê rejîma wê.

Lewra ew dixwaz e li Îraqê ajawe dewam bike û her bimîne. Ajawe ne tenê her di navbera Şîe û Suneyan de, belkî di navbera hikûmeta Bexda û Herêma Kurdistanê de, belkî di navbera girûpên Şîe jî de. Siyaseta Komara Îslamî di vê derheqê de ev e ku rikeberan di hember hevdu de wekhev rabigire. Hekî dît ku aliyek şikestê dixwe, alîkariya wê dike da ku cardin serkeve, mijar jî gellek rohn e.

Hevalno!

Lê binêrin, niha Amerîka û Berîtaniya û Rojava û bi giştî welatên herêmê û piraniya wan, li ser vê baweriyên ne ku aliyê kêmkem

pêngav bona vê ku Îraq bibe xwediyê aramiyê, vêdebirina Malkikî ye li gerra sêyemîn a serokwezîriya Îraqê. Lê Komara Îslamî ya Îranê heya niha rê nedaye ku Malikî qebûl bike ku cardin nebe serokwezîrê Îraqê. Jiber vê yekê nîgeran e ku piştî Malikî rewşa Îraqê ber bi aramiyê ve here. Siyaseta Komara Îslamî ya Îranê ev e ku aliyên siyasî li dijî hev bihêz bike.

Bona vê yekê ku tevalî bo hemîşe hewcedarê wê bin û di dema tengaviyê de hawara xwe jê re bibin û alîkariya wan bikin. Eva ne tenê her di Îraqê de ye, belkû di her cihê de bikare, di Kurdistanê de, û yan jî di welatek din de, vê siyaseta bi rêve dibe. Lê tu caran naxwaze aramî di herêmê de bimîne.

Armanca duyemîn a Komara Îslamî ya Îranê li tevdanîkariyan ev e ku, dixwaze bi cîhanê û bitaybetî bi Rojava û welatên herêmê bêje ku eva Rojhilata Navîn di şer û ne aramiyê de ye, û tenê ez im weke Komara Îslamî ya Îranê ku weke girava aramî û ewlehiyê me, di vê herêmê de, lewra hûn hemû hewcedarê min in. Alîkariyan ji min wergirin.

Lê hemû kes ji vê yekê haydar nînin ku girava han ku Komara Îslamî ya Îranê bi navê girava aramiyê nav dibe, behrek e bi şîpel e, ku şîpelên xelkê bêzar ên Îranê, ku roj bi roj bihêztir dibin, li derfetê digerin bona vê ku Komara dîktatoriya Îranê biherifînin û hikûmeta dilxwaz a xwe ava bikin, û Komara Îslamî ya Îranê jî gellek bi başî haydarî vê yekê ye.

Lewra welatê ku ev bi girava aramiyê nav dibe, ji derketina pirça jinekê, ji girevgirtina kedkarekî, ji gotara rojnameyekê bîrûraya herî kêmkem ya cuda têde hebe, heya hizra heya axûndekî Şîe ku xizmet ji vê hikûmetê re kiribe, lê tevî bîrûraya wan ferq û cudahî hebe, û bêhnek ji piştevaniya xelkê têde hebe, tepeser dike û ji nav dibe.

Hikûmetek ku xwediyê aramî û seqamgîriyê be ji wan tiştan natirse. Ji azadiya xelkê natirse, belkî şanaziyê bi azadiya xelkê re dike. Azadî hikûmetê bihêz dike, piştevaniya xelkê bona hikûmetê misoger dike.

Lewra me tu şik û gomanek di vê yekê de nine ku Komara Îslamî serbrê vê rûçikê ku dixwaze nîşanî xelkê Îranê û xelkê herêm û cîhanê



Kemal Mihemedyarî naskirî bi Kemal Feroxî kurê Kuxa Mecîd, sala 1969'an(1348) li bajarê Mehabadê hatiye dinê.

H: Arif Vêlî

Kemal Mihemedyarî derheq nasyariya xwe tevî PDKÎ weha dibêje: "Bavê min bi sedema beşdarî di tevgera salên 46 û 47'an (1967- 1968) heyamê 6 heyvan hatiye destbiserkirin û herweha Mela Mehmûd Zengene ku mêrê meta min e di salên 46 û 47'an (1967-1968) de hatiye şehîdkirin û herweha kur metê min wate kurê Mela Mehmûd Zengene kadrê Hêza Pêşewa bû û sala 1983'an(1362) şehîd ket, evana sedemên sereke bûn ku ez her di despêka zarokartiya xwe de PDKÎ bi başî nas bikim".

Kemal Mihemedyarî herweha tevlîbûna xwe bi refên kadr û pêşmerge PDKÎ weha tîne ziman: "Sala 1987'an(1366) min peywendî bi refên teşkîlata nepenî a PDKÎ ve girt û min karê teşkîlatî dikir. Peywendiya min dewam kir heya di 22'ê Pûşpera sala 1369'an(1990) li gundê Qemtere ya ser bi bajarê Mehabadê min bi awayekê fermî xwe bi refên pêşmerge PDKÎ nasand û heya niha ji be sekinîn li ser pêşmergeya xwe berdewam im û we her berdewam bimînîm jî".

Kemal Mihemedyarî di di deme pêşmergeya xwe de basê birîndarketina xwe weha dike: "Sala 1995'an(1374) ez û şehîd Ehmed Zawekêwê tevî 4 hewalên din bona karê hizbî em çû derdora Mehabadê. Demjimêr 12'ê şevê em bi tirumbêlekê li kêleka mizgefta gundê Suncaqê de derbaz dibûn

ku, ji nişkeve em ketin ber destrêja hêzên Komara Îslamî ku di mizgeftê de xwe veşartibûn.

Ez bi destrêja yekemîn ku hat ser me ji aliyê serê xwe ve birîndar ketim û min nekarî ku ji tirumbêlê peya bim, lê min kot hewalên xwe ku ji tirumbêlê derkevin û bersiva destrêjê bidin. Hewalên min peya bûn û di bersiva hêzên Komara Îslamî de 4 pasdar hatin kuştin û 2 jî birîndar ketin û bi vî awayî em ji kemînê derbaz bûn".

Kemal Mihemedyarî roja herî xweş a jiyana pêşmergeya xwe weha tîne ziman: "Sala 1990'an(1369) 120 pêşmerge hêza Pêşewa li şêş rêyiya Mehmûdava, tevî hêzên Komara Îslamî ketin nava şerek giran

de.

Serbarê topbarana tev alî, hêzên Komara Îslamî nêzîkî 15 caran bi awayek berdewam êriş anîn ser me û me jî bi rih û can ber xwe dida, piştî 12 demjimêr şer û berxwedana berdewam hêzên Komara Îslamî bezî û tevî zirarên zaf berbirû bû.

Lê mixabin me jî di encama wî şerî de 2 şehîd û 4 birîndar dan.

Xweşiya wê rojê di vê de bû ku piştî 18 demjimêr şer û rê çûyîne em çûn malekê li gundê Mehmûdava. Xwediyê malê bi qasekê bi germî pêşwaziya me kir û nan û xawarin dan me ku mandîbûn û şerê giran di bîra me de nema.

Xwediyê malê derheq wan pêşmerge şehîdkirî de, sersaxî didane me. Yanî moral û pêşwaziya xwediyê malê û xelkê deverê bi giştî bi qasekê bandor xistibû ser min ku, tu caran ew şer û dem ji bîra min naçin û herdem li pêşiya çavên min de derbas dibin".

Kemal Mihemedyarî herweha roja herî nexweş a jiyana xwe weha tîne ziman: "Sala 1989'an(22'ê Pûşpera 1368) me li mala xwe li Bajarê Mehabadê RDKÎ girtibû û me çavni-hêriya bernameya "Ême û Gwê-girekan" (Em û Guhdaran) dikir, ji nêşkê ve di cihê bernameya navbirî de radyoyê marş lêxist, em heyrî man, piştî çend xulekan ragehand ku Dr. Qasimlo birîndar ketiye û piştî nûçeya şehîdketina wî belav kir. Tewahiya taxê me li bajarê Mehabadê tevlî hev bibû.

Eva roja herî nexweş a jiyana min e û hevdem handerê min e ku li ser pêşmergeyê û domandina rêbaza

PDKÎ û şehîd Qasimlo berdewam bim".

Kemal Mihemedyarî derheq jiyana xwe ya hevpar dibêje: "Sala 2000'ê(1379) min û Seyran Îzedî Keça Qdir Îzedî naskirî bi Qale Rîşe, soz evîndarî û jiyana hevpar bihev da û di Havîna heman salî de li "Zewye sipî" binkeya wî çaxî a PDKÎ daweta xwe kir û jiyana hevpar ava kir û berhema jiyana me jî kur û keçek e".

Kemal Mihemedyarî piştî nêzîk bi 25 sal pêşmergeyê, çavni-hêriya xwe derheq PDKÎ weha tîne ziman: "Çavni-hêriya min tenê serkevtina PDKÎ'ê ye. Herçend ez di vê astê de ninim ku xwe tevî Dr. Qasimlo qiyas bikim, lê Dr. Qasimlo tewahiya îmkantên roj û jiyana Ewropa bicih hêla û jiyana çiya hîlbijart, ewa bi vê wateyê tê ku malê dinê kesatiyê nabexşe mirov.

Lewra malê dinê bal min bê nirxe û ez şanaziyê bi derbazbûya xwe dikim û li ser soza xwe derheq şehîdên me û malbatên wan sor û berdewam im".

Kemal Mihemedyarî bi vê peyamê dawiyê bi hevpeyvîna xwe tîne: "Ez hêvî dikim ku xelkê Kurdistanê her weke berê bi piştevaniya ji PDKÎ serfirazî û şoreşvaniya xwe bidin selimandin û herweha daxwazê ji wan kesan dikim ku bi her awayekê ketibin telika hêzên Komara Îslamî ku, her weke Rêzdar Kak Mistefa Hicrî ragehand, "destan ji bermaw xarin û zulmê bikişînin, her çaxî masiyê bigirî her taze ye" bi vî wateyê ku hêj ne direng e û vergerin. Jiber ku sibê PDKÎ'ê nine ku lêpirsînê ji ve dike, belkê eva xelkê Kurdistanê ye û ceza bide".



bide, hikûmetek e ku niha di ew qasê lewazî û bêhêziya xwe de ye, di warê aborî, leşkerî, teknîk û ev tiştên din. Piranî li ber çavê xelkê wisa nîşan didin, lê ne wisa ye.

Lewra di niha de ber bi herifîn çûna Komara Îslamî ji her demekê zêdetir e, û bi xwe jî, ji vê yekê tirsiya ye. Bitaybetî bo Komara Îslamî ya Îranê cuda ji tundûtîjî û serkut û tevdanîkariyan, tu çareseriyek din di ber dest de nînin, û hikûmetek weha di vê cîhanê de cih nagire, û xelk her çi qas di bin zext û givaşê de be, lê di dawiyê de vê hikûmet û deshilatdariyê qebûl nakin.

Hemwelatîyên rêzdar!

Hez dikim di dawiya gotinên xwe de li ser mijara ku niha di Kurdistanê Iraqê de di rojevê de ye û piroseyek siyasî a nû tê amadekirin, nêrîn û dîtingeha PDKÎ pêşkêş bikim. Bas ji mijara du refrandoman e. Yek bo herêma Kerkûk û herêmên ser bi vê parêzgehê ne, û ya duyemîn, refrandomek bona diyarîkirina qedera Kurd di vê para Kurdistanê de ye.

Şik û guman di vê yekê de nînin ku piraniya xelkê Kurd, ne tenê her di Kurdistanê başûr de, belkî di tewahiya parên Kurdistanê de mafê diyarîkirina qederê, bi mafê xwe dizanin. PDKÎ bi dehan salî ye ku di pêxema vê hêviyê de qorbaniyan dide û fîdakariyan dike.

Lewra em weke PDKÎ mafê diyarîkirina qederê bona xelkê Kurdistanê Başûr û hemû parên din ên Kurdistanê ne tenê her cihê rêz û hurmetê dizanin, belkî cihê piştevaniyê ye bi hemû îmkanat û şiyana me ve. Lê em hez dikin li ser du nîgeraniyên xwe jî bi axivin.

Ya yekemîn mijara yekrêziya xelkê Kurdên Başûr e di pewvendî tevî vê mijara çarenivîs saz û girîng de. Em mijarê weha dibînin ku garantiya serkevtina diyarîkirina qederê, yekrêziya xelkê Kurd e, bitaybetî ku niha dujminên gelê Kurd û serveyî hemûyan Komara Îslamî ya Îranê, bi hemû hêz û şiyana xwe kar dikin ku walahiyan bixin nava rêzên Kurdan di vê parê de.

Em hêvîdar in ku gelê Kurd ku li Başûrê qedera xwe diyarî dike, yekrêz û yekgirtî be. duyemîn nîgeraniya me ev e ku mijara han ji aliyê xûşk û birayên me li Başûr de nehatibe ravekirin ku biryara xweseriyê û diyarîkirina çarenûsê,

hewceyî bi qurbaniyeke nû, tehemlek zêdetir û berxwedanê ye.

Nabe tu daxwaza xweseriyê bikî û tewahiya hewcehiyên jiyana te jî bîn dabînkirin. Benzîn hebe, nan hebe, ser êşî nebe, toz li ser tu cihekî nerûne, tişteke weha di cîhanê de neqewmî ye.


Lewra em dibêjin ku deskevtên ragehandina xweseriyê di kurtmideh de, yanî asteng û arîşeyên cur bi cur û xebatek nû li şiklek nû de bo xelkê vê beşa Kurdistanê.

Lewra xelkê Kurd eger daxwaza xweseriyê dike ku cihê şanaziyê ye bo hemûyan, dibe amade û xwera-gir be li hember wan kêmasiyan de. Bi taybetî ku me dujminek weke Komara Îslamî ya Îranê li kêlekê heye.

Tevî hemû wan arîşeyan ku tên pêşbînîkirin, lê hekî mijara han bi hûrî hatibe lêkdan, ji aliyê xelkê Kurde ve ji aliyekê û serkirdeyên siyasî ji aliyek din ve, renga niha dem û rewş, herî baş be bona diyarîkirina mafê qederê di vê para Kurdistanê de. Ez hêvîdar im ku serkirdeyên Kurd ku xwediyê berpirsariyek mezin û dîrokî ne, di vê peywendiyê de amadekariyek tewaw kiribin.

Ew hêviya me ye ku di vê qonaxa xebat û tekoşîna xûşk û birayên xwe li Kurdistanê başûr de, em şahidê gellek serkevtinên mezin bin, jiber ku em li ser vê baweriyê ne ku biryareke bi vî rengî û bi encam gehandina wê, ne tenê her deskevtê gelê Kurd li Kurdistanê başûr e, belkî deskevtê gelê Kurd di hemî parçeyan din, û hemî cîhanê de ye, lewra berpirsariya serkirdeyên gelê Kurd, partî û sazîyên siyasî di pêkanîna yekdengiyê di lêkdanewê û hûrbûniya di vê pirsê de, gellek hewce ye, jiber ku ew pirs tenê pêwendiya wê bi qedera Kurd di vê beşê de nine, belkî pêwendiya wê bi hemî beşan ve heye, û heya dikarim bêjim ku ew biryar pêwendiya wê, bi proseya demokrasîyê li Rojhelata Navîn ve jî heye, Em weke PDKÎ bi nîgeranî ve li vê piroseyê dinêrin, û eva ku di vê derheqê de bo serkevtina vê piroseyê hewce ye, em weke erk û wezîfe amade ne ku tab bikin, jiber ku ew yek hêviya hemû neteweya Kurd e, hêviya şehîdên me ye ku di vê riyê de serê xwe danîn, û em dizanin ku ew yek dikare nivîşên pêşerojê ên me bextewer bike, û riha hemû şehîdên şad bike.

Mistefa Hicrî: “Dr. Qasimlo di warê siyasî, di warê têgihîştin ji rewşa wê demê ya herêm û cîhanê, bandor li ser rêkxirawên Kurdî ên hemû beşan de danîbû. Dr. Qasimlo siyasiyeke rastbîn bû, wî bîr ji pêşerojê dikir û bi hûrî her pîrsek şirove dikir”.



Gellek spasiya we dikim, û careke din em peymanê nû dikin, di gel rêbaza Dr. Qasimlo, û emê bi dijmînên xwe jî ragehînin, ku her wek li 25 salên borî de, bo wan derketiye, ku Dr. Qasimlo tenê ces-

teyeke fîzîkî nebûye, Dr. Qasimlo bîr û hîzr û rênişandayîn bû ku niha jî ew rê berdewam e, û rêvîngên wê riyê, roj bi roj di zêdebûn, û bi hêzbûnê de ne.

Serkevtî bin

Çar pirtûk li ser şehîd Dr. Qasimlo hatin amadekirin

Kurdistanmedia: Çar pirtûkên pêwendîdar bi Dr. Qasimlo û jiyana wî kesayetiyê neteweyê, ji aliyê pêşmerge û organên Partiya Demokrat a Kurdistanê Îranê ve bi zimanê Kurdî tên çap û bilavkirin.

Li gor rapora Kurdistanmedia, li bereberê 13'ê Tîrmehê 25'emîn salvegera şehîdkirina Dr. Qasimlo û hevalên wî, çar pirtûk li pêwendî digel Dr. Qasimlo, ji aliyê pêşmerge û organên PDKÎ ve amadekirin.

"Dr. Qasimlo di bîbliyogirafiya pirtûk û dosiyeya kovar û rojname de", "Neteweyekî sîsbûyî û welatekî jev belav", "Kurdistan û Kurd", "Ewropayîyek li herêma Kurd de" navên wan çar pirtûkan e, ku li berberê salvegera şehîdkirina Dr. Qasimlo hatin amadekirin.

Pirtûka "Dr. Qasimlo di bîbliyogirafiya pirtûk û dosiyeya kovar û rojname de" ji aliyê komîsyona ragehandin û perwerdeya PDKÎ ve hat çap kirin, û di salvegera şehîdbûna Dr. Qasimlo de hat bilavkirin.

Komîteya ragehandinê ya Yekîtiya Xwendekarên Demokrat ên Kurdistanê Îranê, di pêwendî li gel salvegera şehîdkirina Dr. Qasimlo û hevalên wî, pirtûkek bi navê "Neteweyekî sîsbûyî û welatekî jev belav" ji zaravayê Kurmanciya jêrîn ve, bo ser zimanê Farsî wergerandin, û di demekî nêzîk de tê çap û bilav kirin.

Di vê pirtûkê de komek gotinên nemir Dr. Ebdulrehman Qasimlo, Kendal Nezan, Arçî Bald Rozvêlt, û mamosta Nazdar (Navê nepenî yê Dr. Qasimlo û gotarek li ser Kurdên Sûriyê) bi xwe ve digre.

Pirtûka "Neteweyekî sîsbûyî û welatekî jev belav, û beşek ji pirtûkê ku sala 1977'an ji aliyê hejmarek nivîskarên Kurd û xeyrî Kurd ve, bi zimanê Feransî û bi serpereştiya "Jîralîd Çaliyand" hatiye nivîsandin, navê vê pirtûkê bi Ferensî (Les kurdes et le Kurdistan) ye ku ji aliyê lêkolerên Kurdan ku yekek ji wan Dr. Qasimlo bûye, hatiye nivîsandin. Ev pirtûka dîroka civakî-abûrî, û siyasî ya Kurd û Kurdistanê bi xwe ve digre, ku di warê zanistî de, girîngiyeke taybetî heye.



Ji aliyekî din ve "Selîm Zencîrî" pêşmerge Partiya Demokrat a Kurdistanê Îranê, pirtûka "Kurdistan û Kurd" bi diyalêkta Kurmanciya jêrîn bo ser Kurmanciya jorîn wergerandin kiriye.

Piştê jî Teha Etîqî pirtûka "Kurdistan û Kurd" ku ji aliyê Dr. Qasimlo ve bi zimanê Çêkî hatibû nivîsandin, û piştê jî bo ser zimanê Farsî hatibû wergerandin, û çapa yekem jî di sala 1996'an de ji aliyê çapxaneyê Optîk a Swêdî ve hatibû kirin.

Dr. Qasimlo nivîsîna pirtûka "Kurdistan û Kurd" sala 1957'an dest pê kir û sala 1962'an amadeyî çapê kiribû, û ev pirtûke sala 1964'an bo yekemîn car çap bû, û kete ber destê xwendevanan.

Çapa Îngilîzî ya pirtûka Kurdistan û Kurd, piştî wergeranê sala 1965'an hat bilavkirin.

Ev pirtûke ku şikariyeke siyasî û aborî ye, di sala 1967'an de hatiye wergerandin bo ser zimanê Erebî, û piştê di salên 1969'an de, bo ser zimanê Lehistanî hatiye wergerandin.

Di wê pêwendiyê de pirtûka "Ewropayîyek di herêma Kurdan de" ji nivîsîna "Nesrîn Qasimlo"



hevjîna nemir Dr. Qasimlo, ku ji aliyê "Xurso Ebdullahî" ve ji zimanê Feransewî ve, bo ser zimanê Farsî hatiye wergerandin, ji aliyê Nahîd Husênî endama Komîteya Navendî a PDKÎ ve bo ser zaravayê Soranî hatiye wergerandin, û bi wan zûyane, tê bilavkirin.

Nesrîn Qasimlo dibêje: "Armanca min ji nivîsîna vê pirtûkê eva ye ku rastiya jiyana Dr. Qasimlo sekreterê berê yê Partiya Demokrat a Kurdistanê Îranê eşkere bikim".

Gotinên Navdaran



A: Firat Cewerî

Pere di pêş de dimeşe, û ji mirovan re hemû rîyan vedike.

Shakespeare

Qîmeta peran xuya ye, lê carinan ew qîmet qet namîne, dadikeve binê sifrê.

Carlyle

Pere pir kesan hînî riyên xerab dike.

Choderlosde Laclos

Pere mirovan bextiyar nake, lê ji bo bextiyariya mirov dibe alîkar.

ChoderlosdeLaclos

Yê ku ji welatê xwe re bibe, ji partiya xwe re jî dibe.

R.B.Hayes

Resim helbesteke bê kelîme ye.

Horatius



Beşa 13. Dema axaftinê Hevalên xwe bide nasîn



Zozan
hevala min e.



Baran hevalê
min e.

Baran diçe xwendîngeha seretayî.
Ew di pola 4-Ayê de dixwîne.

Zozan diçe xwendîngeha navîn.
Ew di pola 5-Byê de dixwîne.

Ez ji xwendinê pir hez dikim.

Ez ji werzişê hez dikim.

Ez bi ajotina bisiklêtê kêfxweş dibim.

Ez bi xwedîkirina masiyan kêfxweş dibim.

Ez ji çêkirina wêneyan gelekî hez dikim.

Tiştonek



A: Mahir Berwarî

1- Çindik çindik, bazda
quncik, bê dil û bê gur-
çik.

- Hûr e wekî kirzin, reş e
weku bizin, hakim ji ber
dilerzin.

- Sir û batê, çift vid-
ûnatê.

- Li min filitî, li te xebitî.

- Tiştê min tiştok e, yê bi
kulav û dersok e, navê
wî

zirrçepok e. (* bo hine
tiştên dî jî dibêjin)

2- Çûme şikeftekê ya tijî
gupal, êkê wesa nebû
bideme pal.

- Çûme rêleka bi dar bi
dar, qet darekê we nebû
bikime distar.

3- Qun li axê, ser li qunê,
deh le duwa.

4- Çûme duleka bi xire
ber, min dapîra te girt,
bapîrê min
xwe havête ser.

Têdîtin: Amadekar dest-
kariya devoka metelokan
nekiriye

Xwendevanên hêja!

Hûn dikarin bersiva
tiştonekan bi rêya E-maila
Agiri2003@gmail.com ji me
re bişînin.

AGIRÎ

Navnîşana derveyî welat: AFKB.P. 102- 75623 ParisCEDEX 13 -FRANCE

E - Mail: Agiri2003@gmail.com

Hejmar (232)

Çend dîmenên rêûresmên 22'ê Pûşperê di bajarên Hewlêr û Koyê de

